



六藝之一錄

石刻文字彙編

〔清〕倪濤

二

浙江出版聯合集團
浙江人民美術出版社



六藝之一錄

〔清〕倪濤編 錢偉強等點校
石刻文字彙編

二

浙江出版聯合集團
浙江人民美術出版社

圖書在版編目(CIP)數據

石刻文字彙編. 二 / (清)倪濤編; 錢偉強等點校.
—杭州:浙江人民美術出版社, 2017. 10
(六藝之一錄)
ISBN 978-7-5340-5869-1

I. ①石… II. ①倪… ②錢… III. ①石刻—彙編—
中國—古代 IV. ①K877. 4

中國版本圖書館 CIP 數據核字(2017)第 195258 號

石刻文字彙編(二)

(清)倪濤編 錢偉強等點校

出版發行 浙江人民美術出版社
(杭州市體育場路 347 號 郵編:310006)
責任編輯 霍西勝 屈篤仕 雷芳 張金輝 余雅汝
封面設計 時代藝術
責任印製 陳柏榮
照排 浙江時代出版服務有限公司
印刷 浙江海虹彩色印務有限公司
開本 787mm×1092mm 1/16
印張 30.5
字數 439 千字
版次 2017 年 10 月第 1 版 第 1 次印刷
書號 ISBN 978-7-5340-5869-1
定價 300.00 圓(精裝)

如發現印裝質量問題,影響閱讀,請與市場營銷部聯繫調換。

六藝之一錄卷五十二

石刻文字二十八

庠彰長斷碑

右《庠彰長斷碑》，在華陰，已斷裂，惟存下一段，故其姓名皆亡矣。所可見者有云：「先高祖時，以吏二千石自齊臨菑徙充關中。祖字興先，爲執金吾。弟颯，漁陽太守。」又云：「元初元年，遭家不造，三歲喪父，事母有柴、穎之行。初仕縣主簿、功曹、郡諸曹史、帳下司馬，劉君招命，署議曹掾，假除百石，遷補任尉，假印綬，守廣平、夏曲陽令、庠彰長。熹平二年秋七月，寢疾不豫。」最後題「熹平六年十月九日辛酉造」。按《史記》及《漢書》本紀，高祖九年，徙齊、楚大族昭、屈、景、懷、田五姓關中，而其四姓皆楚人，自齊徙者惟田氏爾。然則此碑所謂高祖時自齊臨菑徙者，其人必姓田氏也。按：第五氏亦云自齊徙關中，然本亦出于田氏也。庠彰，東、西《漢史》皆作「斥章」。《金石錄》

《斥彰長田君斷碑》，所存其下一段，與趙氏所藏者同文，雖半亡，遺字一一明白。碑云其「先高祖時，以吏二千石自齊臨淄徙關中。祖興先，爲執金吾。弟颯，漁陽太守。孫布，光武中興」云云。《史記》「徙貴族齊田氏關中」，《後漢傳》「朔方人田颯引兵至單于庭，迎盧芳入塞」，《帝紀》「建武七年，盧芳所置朔方太守田颯舉城降」，則斥彰蓋諸田之後。碑云「二年七月卒」，而缺其年名，未有立碑歲月，始知物故在熹平年。但斥彰非所終之官，趙氏強名，姑仍其舊。碑中字札嫵媚，甚類《華租》、《華山亭碑》，書之者好用奇字。《隸續》

熹平六年立，在華州華陰縣。序彰，東、西《漢史》皆作「斥章」。《漢隸字原》

臨胸長仲君碑

右《臨胸長仲君碑》，文字摩滅。其粗可見者，云：「君諱雄。」又云：「歷郡五官掾、功曹史，辟從事，舉孝廉，除郎中，遷臨胸長。」而其額題「故臨胸長仲君碑」云。《金石錄》

益州刺史薛君巴郡太守劉君碑

右《漢薛君劉君碑》，已斷裂不完，惟存上一段，而此額尚全，題「故漢益州刺史中山相薛君、巴郡太守宗正卿成平侯劉君碑」。古無兩人共立一碑者，惟見于此爾。《金石錄》

《漢故益州刺史中山相薛君、巴郡太守宗正卿成平侯劉君碑》，隸額，頗雜篆體，其碑髣髴二十行，所餘其上一段，他石斷裂不存矣。第一行有「益州刺史中山相」八_(一)字，第二行有「巴郡太守宗正卿成」八字，第三行有「惟二君」三字，餘皆不可句讀。蓋前兩行各舉其官，後行始是碑語，與《廣漢屬國辛李二君碑》正同。其間有祭死者及薛、劉征討字，殆是紀述平寇之事，趙氏誤以為墓刻，故云「古無兩人共立一碑者」。又以劉君為成平侯相，詳其額，初無「相」字，此蓋王子侯也。《隸續》

張侯殘碑

右《張侯殘碑》。張侯者，子房也。碑已斷裂摩滅，不可次敘，獨其額尚完，題「漢故張侯之碑」。在今彭城古留城子房廟中。驗其字畫，蓋東漢時所立。樂史《寰宇記》：「陳留縣有張良墓。」引《城冢記》云：「張良封陳留侯，食邑小黃一

萬戶。漢爲良築城，因名張良城。今陳留有子房廟，廟貌甚盛。」余按《西漢書·地理志》注：「留屬陳，故稱陳留。宋亦有留，彭城留是也。」《子房傳》^四曰：「始臣起下邳，與上會留，臣願封留足矣。」下邳與彭城相近，而此碑漢人所立，乃在彭城，然則子房所封，非陳留明矣。《城冢記》誕妄，蓋不足信也。《金石錄》

楊君殘碑

碑云：「當劉、項之際，有楊武者家於茲邦，奕世載德，扶而興漢。」碑多殘闕，名字不存，獨有「元年」字，上缺不可考。《漢隸字原》

後漢殘碑

右漢殘碑，不知爲何人所存者，纔三十二字，不復成文。惟云「高字幼」，知其名高；又云「漢中興」，復知爲後漢時碑。而隸字在者甚完，體質淳勁，非漢人莫能爲也，故錄之。《集古錄》

右隸書，今殘缺之餘，所存者數十字，而有其名字曰「高字幼德」，其他皆不可知也。《集古錄目》

司空殘碑

右《司空殘碑》，政和乙未歲，得於洛陽天津橋之故基^五。首尾已不完，所存四十五字，字畫奇偉。其詞有云：「命爾司空，余回爾輔。」據此乃嘗爲三公，蓋當時顯人，惜其不見名氏也。碑陰有故吏題名百餘人，尤完好，筆法不減蔡邕

《石經》云。《金石錄》

馮煥殘碑

君諱煥，字平侯，下闕廉，除郎中尚書下闕遷豫州刺史，郵別下闕以比鮮卑畔逆下闕史莢書嘉嘆，賜錢下闕守，以永寧二年四下闕

右《馮煥殘碑》三十九字。其二「比鮮卑叛逆」，則元初六年詔除幽州時事也；其二「策書嘉嘆賜錢」者，《馮緄傳》載煥死於獄中，帝愍之，賜錢十萬，當是此事也；末有「永寧二年四」字，蓋其卒之年月也。《帝紀》書：「建光元年正月，幽州刺史馮煥率十二郡太守討高句^{〔六〕}驪、穢貊，不克。四月，遼東都尉龐奮承僞璽書，殺玄菟太守姚光。」《緄傳》云：「煥爲幽州刺史，疾忌姦惡，玄菟太守姚光亦失人和。建光元年，怨者詐作璽書，賜煥、光以歐刀，下遼東龐奮行刑，奮即斬光收煥。煥疑詔有異，上書自訟，病死獄中。」建光之元，即永寧二年，是歲七月改元，煥以四月終，故碑尚用舊年也。碑字雖無幾，而皆與史合。《隸釋》

馮煥碑陰

上闕曹史闕六字衡、賊曹令史汝南闕表德宮^{〔七〕}、兵曹令史河內樊晏世寧、兵曹令史漢中祝颺孔達、士曹令史潁川闕揚武節、集曹令史北海孫登元敘、闕下闕六字兵曹史陳國丁武妙生、戶曹史汝南闕臺、客曹史汝南過謙子讓、帳下司馬陳國陳景伯載、武罰司馬汝南程旻季劉。

右《馮煥殘碑陰》。諸曹史及帳下司馬、武剛司馬十餘人，其間有貫潁川、汝南、陳國者，皆豫州舊部也。「過」即「過」字，「罰」即「剛」字，「謙」即「謙」字，《西漢》、《太玄》皆有之。《隸釋》

幽州刺史馮煥神道

故尚書侍郎河南京令豫州幽州刺史馮使君神道。

右《幽州刺史馮煥神道》，今在渠州。《馮緄傳》云：「父煥，安帝時爲幽州刺史，建光元年卒。」《隸釋》有元初六年賜豫州刺史馮煥詔，煥之殘碑有「郎中尚書侍」五字，惟「京令」無所見也。《隸釋》

賜豫州刺史馮煥詔

告豫州刺史馮煥，今下闕常爲效用邊將，統御下闕內，以威恩撫喻，杜下闕去年鮮卑連犯鄣塞，下闕過掩，卒搗，無距捍，下闕率攝大守以下進退，下闕曾不表罪，誅多下闕麗王宮，下闕輕狡，獨下闕纖，下闕絕宮，不自效楚，下闕化頃屬樂浪久矣，下闕當所誥設，訖不定，決下闕月左右欲來犯法，下闕北顧傷心，下闕煥有下闕冀煥能竭心盡慮，有下闕上如不從，化督錄部下闕，惟前後詔書以前，人下闕侍御史便宜數上下闕，元初六年十二月。

右《賜豫州刺史馮煥詔》，安帝元初六年也。首云「告豫州刺史馮煥」者，漢詔之式如此。《帝紀》注云：「漢制，帝之下書有四：一曰策書，編簡也，其制長二尺，短者半之，篆書，起年月日，稱皇帝以命，諸侯王三公以罪免，亦賜策，而以隸書，用尺一木兩行書之；二曰制書，其文曰制詔，三公皆璽封，尚書令印重封，露布州郡；三曰詔書，其文曰告某官云，如故事；四曰誡敕，其文曰有詔敕某官。」此詔云「去年鮮卑連犯鄣塞」，《列傳》云：「元初五年秋，代郡鮮卑穿塞入寇，攻城邑，燒官寺，殺長吏，發緣邊甲卒，黎陽營兵備之。其冬，又入上谷。六年秋，入馬城，度遼將軍鄧遵率南軍共擊破之。」按馮君乃車騎將軍緄之父，《緄傳》云「煥爲幽州刺史」，又煥有墓闕題云「豫州幽州刺史馮使君神道」，元初季年，豫州境內無盜賊事，上谷代郡皆幽州所部，詔有「北顧傷心」及「頃屬樂浪」之文，亦幽州語也。詔中諭其「竭心盡慮」，

右《益州太守碑》，以朱爵爲額，龜蛇爲趺，龍虎銜壁，在其兩旁，一崇碑也。首云「永壽元年三月十九日，益州太守某君卒」，其姓獨剗滅，或有謂之馮君者，豈予所藏偶不明邪？碑云「澄內清外，以身帥下」，又云「貪饕改操，草濁爲清」，則素絲、羔羊之風，必有光前絕後者。夫丹書鐵契，高帝所以申信誓於功臣也，後人以斐豹之事，遂指丹書爲罪籍，講德者不復用之，此云「名勒丹書」，謂丹青也。碑之左有功曹掾故吏題名四十八人，皆屬邑建伶、牧靡、楛棟、滇池、穀昌、俞元之人也，僅有王、李數姓可辨，名字皆不具矣。《隸釋》

碑以「犁」爲「黎」，「倉」爲「蒼」，「懷」即「哀」字，「恩」即「惡」字，「𠄎」即「坤」字。全上

益州太守碑陰

故吏牧靡陳漢字伯成、故吏牧靡楊闕字茂材、故吏牧靡下闕

右《益州太守碑陰》，牧靡故吏三人題名在趺之右。此碑刻五玉三獸，下有牛首，蜀中漢碑如是者，有《柳敏碑陰》、《馮緄墓道雙排六玉碑》，又有《單排六玉碑》，與此凡四。《柳敏》、《馮緄》兩碑六者皆同，此碑無璜，《單排碑》兩璜而無瑁。鄭氏注《周官》云：「璧，圜，象天；琮，八方，象地；圭，銳，象春；半圭曰璋，半璧曰璜。」惟琥但云：「琥，猛，象秋。」爲之圖者，皆云琥以方玉刻伏虎之形，聶崇義所畫琮八出如花片。陳祥道《禮書》又云：「琮，體方而四角。」此碑之琮則五角，《單排碑》則十角，《馮》、《柳碑》中者則同鄭說。《玉人》云：「天子執冒，以朝諸侯。」說者謂：「冒方四寸，其下邪刻之，廣狹如圭首。諸侯執圭來朝，以此冒之，所以濟瑞信，猶合符也。」碑有瑁者三，獨無六器之琥爾。此碑刻瑁、圭、璋於上，琮、璧於下，其中則鼎列三獸。《柳敏碑》則一禽圖於首，一獸爲之趺，六玉之中有牛首一，而貫之以環。《馮緄碑》則其上刻禽、獸各一，其下一牛首，六玉之下，又刻兩獸，有一人跨其右者。《單排碑》則上朱爵而下玄武，其六玉則右璋左圭，又雙璜相向如佩次之，璧與琮又次之，蜀人名之「單排六玉」，未知何人家前物也。此碑之圭、瑁，《馮緄》之

璧、琮、璜，則白，餘皆黑也。緄墓前又有一碑，亦上朱爵而下玄武，其中無文，謂之「六物碑」。《隸釋》

頻陽令宋君殘碑

無年月字畫，是東漢人書。《金石錄目》

《漢故頻陽令宋君表》，其篆額兩行獨不殘缺，碑十行，行有七字，惟「聖賢之胄，丕闡休聲。朝廷咨謀，來歸靈宇」數句成文。趙氏所藏者亦是殘碑，恐不至如是之鮮也。額之左有令、丞、簿、尉五人題名，乃本朝官制。其右有文云：「後漢頻陽令宋君碑記，其辭曰：宋君漢良宰也，鄉人宜之。」今亦缺矣。《隸續》

防東尉司馬季德碑

《山陽府卒史司馬留碑》，無年月字畫，是東漢人書，附于漢碑之次。《金石錄目》

《山陽府卒史防東守尉司馬君碑》，其名闕，其字季德，有所終之月日，而其年則磨滅。此云「山陽府卒史防東守尉」者，以郡曹而攝邑官，其本秩自如故，猶今之兼權也。「防東」二字，頗晦昧難辨，故趙氏以「陽山卒史」名之。《隸續》

碑上殘缺，下云「故山陽卒史防東守尉司馬留，字季德」，今題從《隸釋》。《漢隸字原》

處士嚴發殘碑

《處士嚴發殘碑》，所存十有二行，行凡十字。其大略載桓譚陳章所言：處士嚴發有曾、閔之行，棲遲衡門，誠于朋友，引《春秋》褒儀甫之事。後有「聽表門閭復」之文，「復」下字缺。蓋邑官稱嚴之行，遂表其門閭，復其租徭，而碑之所由立也。未有丞汝南番君及戶曹掾題名，當是其時官寮也。其首行「日月」之下有「彭城」字，乃其鄉國也。此碑不見歲

月，疑其非漢刻，雖字畫不工，却不類魏、晉以後書法。《隸續》

《處士嚴發碑》，刊缺無年，而有月日。《漢隸字原》

司徒掾梁休殘碑

《司徒掾梁君碑》，篆額惟存「君碑」二字。《碑錄》云：「襄州穀城有《司徒掾梁君碑》，建安二十七年立。」此黃初前一年也，豈吳人尚用漢曆乎？否則誤字也。梁君名休，字元堅，爲郡五官掾，歷郎中、光祿主闕一字，辟司徒府掾，拜新都令。有葬年月，而缺其所終，太守趙君相與謚之曰「貞文子」。銘詩以三言爲文。《隸續》

在穀城縣西四里，建安二十七年立，文字磨滅。《訪碑錄》

任君殘碑陰

蜀人謂之「武帝先生任君碑陰」，可辨者不盈百字，而紀年及名字皆闕。《隸續》

漢河南尹蘇府君碑額

右《漢蘇府君碑額》，題「漢故河南尹蘇府君碑」，今宣州太守張叔夜嵇仲見寄，云在許州道傍，碑九無文詞，惟此十字其額耳。按東漢時，蘇氏最顯者惟蘇章，嘗以河南尹徵，未就。其他無尹河南者，意其爲章碑也。然章扶風平陵人，而碑乃在許昌，未知果是否？《金石錄》

膠水縣王君廟門碑

無歲月，文字殘闕。《金石錄》

《膠東令王君廟門斷碑》。碑中雖有「景、武、孝昭、冲、質」之文，却有「魏后黃初」之字，而題額以「漢」者，豈膠東是其祖廟沒於漢代者乎？《隸續》

西平令楊期碑

右尉氏縣西南四十里三亭鄉楊方村墓南二十步，文字磨滅，惟有首尾。《天下碑錄》

征西大將軍楊瑾碑

在尉氏縣三亭鄉路村。《天下碑錄》

邊讓碑

在開封縣東北五里墓前。《訪碑錄》

董襲碑

在開封縣東北墓前。《天下碑錄》

上谷太守張禕碑

在定州安喜縣東六里。《天下碑錄》

敏勛碑

在冀州。《天下碑錄》

賈敏碑

在棗強縣東北三十里。《天下碑錄》

李固碑

在懷州山陽城內。《天下碑錄》

劉班碑

魏文帝爲兗州刺史，封爲白馬侯，在澶州縣三十里墓下。《天下碑錄》

在衛南縣西墓下。《訪碑錄》

蘇武功碑

在京兆府武功縣墓下。《天下碑錄》

《蘇武功碑》，京兆府。《金石略》

太守樊演碑

在河中府臨晉縣內墓前。《天下碑錄》

司徒劉奇碑

在華陰縣。《天下碑錄》

劉黨碑

在華陰縣墓下，文字磨滅。《天下碑錄》

丁儀碑

在虞城縣墓前。《天下碑錄》

兗州從事丁仲禮碑

在楚丘縣北三里。《天下碑錄》

陳留太守程封碑

在開封府封丘縣東二里墓下。《天下碑錄》

執金吾高褒碑

在雍丘縣南五十里大善鄉墓下。《訪碑錄》

太尉高峻碑

在雍丘縣南五十里大善鄉墓下。《訪碑錄》

彭府君碑

在中都縣。《天下碑錄》

劉熙碑

在徐州蕭縣二十五里。《天下碑錄》

御史大夫鄭君碑

在龔丘縣墓下。《天下碑錄》

《御史大夫鄭宮碑》，徐州。《金石略》

尊士倪壽碑

在仙源縣南七十步魯城內。《天下碑錄》

少傅何君碑

在任城縣墓下。《天下碑錄》

山陽太守碑

襄州。《金石略》

在穀城縣西一里古筑城東，文字磨滅。《天下碑錄》

筑陽侯相景豹碑

襄州。《金石略》

在穀城縣西一里，文字磨滅。《訪碑錄》

侍中王逸碑

在宜城縣南三里。《天下碑錄》

僕射荀公碑

在長社縣東北七里墓前，文字磨滅。《天下碑錄》